

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona, broj 7/10), a postupajući u skladu sa Presudom Ustavnog suda Federacije Bosne i Hercegovine, broj: U-7/13 od 26.06.2013. godine (“Službene novine Federacije Bosne i Hercegovine“, broj 80/13), na prijedlog Ministarstva za privredu, Ministarstva za prostorno uređenje, saobraćaj i komunikacije i zaštitu okoline i Ministarstva za poljoprivredu, šumarstvo i vodoprivredu, Vlada Zeničko-dobojskog kantona na 170. sjednici, održanoj dana 24.06.2014. godine, d o n o s i

## ZAKLJUČAK

### I.

Utvrđuje se prijedlog Zakona o stavljanju van snage Zakona o dopuni Zakona o koncesijama.

### II.

Prijedlog Zakona iz tačke I. ovog Zaključka upućuje se po hitnom postupku u daljnju Skupštinsku proceduru.

### III.

Zaključak stupa na snagu danom donošenja.

Broj: 02-\_\_\_\_\_ /14.  
Datum, 24.06.2014. godine  
Z e n i c a

**PREMIJER**

*Munib Husejnagić, dipl.ing.maš.*

DOSTAVLJENO:

1x Ministarstvo za privredu,  
1x Ministarstvo za prostorno uređenje,  
saobraćaj i komunikacije i zaštitu okoline,  
1x Ministarstvo za poljoprivredu, šumarstvo i vodoprivredu,  
1x Stručna služba Skupštine,  
1x a/a.

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona, a postupajući u skladu sa Presudom Ustavnog suda Federacije Bosne i Hercegovine, broj: U-7/13 od 26.06.2013. godine (“Službene novine Federacije Bosne i Hercegovine“, broj: 80/13), na \_\_\_\_\_ sjednici održanoj \_\_\_\_\_ 2013. godine, d o n o s i

**ZAKON**  
**o stavljanju van snage Zakona**  
**o dopuni Zakona o koncesijama**

**Član 1.**

Stavlja se van snage Zakon o dopuni Zakona o koncesijama (“Službene novine Zeničko-dobojskog kantona”, broj: 3/13).

**Član 2.**

Zakon stupa na snagu narednog dana od dana objavljivanja u „Službenim novinama Zeničko-dobojskog kantona“.

Broj:  
Datum, \_\_\_\_\_  
Z e n i c a

**PREDSJEDAVAJUĆI**

Sretko Radišić s.r.

# **O b r a z l o ž e n j e**

## **I. USTAVNI OSNOV**

Ustavni osnov za donošenje Zakona o stavljanju van snage Zakona o dopuni Zakona o koncesijama sadržan je u odredbi člana 19. stav 1. tačka i) i člana 37. stav 1. tačka f) Ustava Zeničko-dobojskog kantona.

Pravni osnov za donošenje ovog zakona nalazi se i u Presudi Ustavnog suda Federacije Bosne i Hercegovine, broj: U-7/13 od 26.06.2013. godine ("Službene novine Federacije Bosne i Hercegovine", broj: 80/13).

## **II. RAZLOZI ZA DONOŠENJE**

Razlozi donošenja ovog zakona sadržani su Presudi Ustavnog suda Federacije Bosne i Hercegovine, broj: U-7/13 od 26.06.2013. godine ("Službene novine Federacije Bosne i Hercegovine", broj: 80/13) i aktu Ureda za saradnju i zastupanje pred Ustavnim sudom BiH, broj: 01-06-58/14 od 15.05.2014. godine u kome je rečeno da smatraju da presuda Ustavnog suda nije izvršena samom činjenicom da se navedeni propis više ne primjenjuje, te da je neophodno da Skupština Zeničko-dobojskog kantona donese Zakon kojim će staviti van snage neustavan član 27a. Zakona o dopuni Zakona o koncesijama.

## **III. POSTUPAK DONOŠENJE**

Članom 141. Poslovnika o radu Skupštine Zeničko – dobojskog kantona- Novi prečišćen tekst („Službene novine Zeničko - dobojskog kantona, broj: 7/12 i 12/13), propisano je "po hitnom postupku može da se donese samo zakon kojim se uređuju odnosi i pitanja za čije uređivanje postoji neodložna potreba i ako bi donošenje zakona u redovnom postupku moglo da izazove štetne posljedice za društvene interese u Kantonu".

Obzirom da je članom 351. Krivičnog zakona Federacije Bosne i Hercegovine ("Službene novine Federacije Bosne i Hercegovine", broj: 36/03, 37/03, 21/04, 69/04, 18/05, 42/10, 42/11) predviđena krivična odgovornost za neprovođenje odluka sudova, a što je traženo aktom Uredom za saradnju i zastupanje pred Ustavnim sudom BiH, broj: 01-06-58/14 od 15.05.2014. godine, predlažemo donošenje po hitnom postupku Zakona o stavljanju van snage Zakona o dopuni Zakona o koncesijama.

## **IV. FINANSIJSKA SREDSTVA**

Za provođenje ovog zakona u Budžetu Zeničko-dobojskog kantona nije potrebno osigurati dodatna finansijska sredstva.